

廣惠肇碧山亭購山關路 建設模範墳場序

古云：入土為安。又曰：人生世間者百年耳，七十稱古稀，百歲上壽者，微乎其微。佛經云：大限難逃，是死為人生必經之過程，絕無疑問，死後火葬、棺葬，法雖不同，而火葬瘞灰，棺葬歸土，其理則一。証以萬物歸土之語，是入土為安之理甚明。

同僑謀生斯地，捆載榮旋，魂歸故國者固多，然環境關係，埋骨異域者亦屬不少，其葬基缺乏，臨事倉惶，生死不安，可憐孰甚，前賢有感於斯，艱辛歷盡，於清光緒十六年夏，創辦碧山亭，是使死者得以入土為安，生者得盡人道，無如購地雖廣，多葬則滿，苟無後繼，窀穸何安。前屆總理黃秉盛君，慈善為懷，澤及枯朽，領導全體董事，於民國卅五年秋，建萬緣勝會，超度幽魂，籌款購山，一舉兩得，法善意良，兼之三屬七十二行，善男信女，願發菩提，福田廣種，結果得款五萬四千五百餘元。

本屆董事部，不讓前人專美，賡續掩骼之條，組織購山委員會，用專責成，曾經之營之，購得山地一百零七五衣吉。惟羊腸小徑，交通困難，買地闢路，刻不容緩，董事部諸公擘劃周詳後，購成新路，興工開闢，事為桃園佛堂同人所聞，樂捐橋樑，更

見修橋整路，人具同情，用是購山關路，次第成功，並且改建模範墓墳，編排既無畛域之分，復無貧富之別，後人憑吊，容易辨認。今後萬里魂歸，罔遭暴露，桐棺質薄，咸被慈雲，福造同僑，功不可沒，爰為之序，用誌不忘云爾。

本屆董事部芳名列左

總理：唐啟光

司理：胡秋洪

財政：謝成裕

董事：劉立卿，陳章耀，關英士，趙叔如，馮偉隆，黃志超，

陳作民，鄧章煥，董友捐，伍永昌，關平，蘇殿塗，

彭少雄，黃松彬，馮翹銳，曾敬才，溫明輝，蕭景文，

黃玉廷，刁煥章，駱震堃，黃信蘇，甘志薰，劉禮朋。

購山委員會芳名列左

吳勝鵬，黃秉盛，鄧草成，方誦清，唐啟光，胡秋洪，謝成裕。

受托人：胡文釗，梁元浩，黃衍華，曾紀辰，伍燦才。

民國卅七年歲次戊子十二月吉日立